

海

運

續

案

驗米大臣為劄行事據清河道譚廷襄天津道張起鵠稟稱竊查楊村官剝船每船例應裝米三百石向因北運河橫淺較多歷係減裝米石道光二十八年海運漕糧撥運赴通亦係隨時察看水勢酌量減裝每船裝米二百二十石至二百五六十石不等此次海運自應循照辦理惟現在海運沙船蜂擁北來一俟江省委員到津即須兌撥運通而刻下北運河水勢淺澀異常竄恐減裝之後剝船仍復阻滯難行勢必不及趕回輸運若再為減裝則佔用剝船過多必致不敷撥用雇倫為難理合稟請撤行通永道轉

飭漕運通判確查各汛橫淺處所督率淺夫逐段實力撈空務期一律深通照例以水深二尺四寸為度俾資浮送而利撥運等因據此相應劄飭通永道督飭漕運通判查照辦理毋任稍有延誤切切特劄

咸豐二年三月十三日行

驗米大臣為劄行事本部堂查道光六年海運經驗米大臣會同倉場侍郎奏明每日沙船不論何時抵次即令江南委員排具次數清河天津兩道配給剥船坐糧廳核准兌單飛速集夫發斛不准稍踰時刻及經紀胥役人等藉端挑剔又戶部奏稱每日用斛八十隻起米僅三萬四五千石必致稽遲應添製斛一百隻俾敷起卸如有經紀人等稍事刁難從重懲治又道光二十八年戶部奏明經紀剥船兩項人等均多弊竇現經倉場訪聞米本乾潔不肯起卸是其勒捐情形已可概見全在管轄經紀剥船各衙門諄

諭於前嚴懲於後庶幾各清各弊俾免稍有諉卸至
沙船抵津經紀挑剔不難臨時奏明從嚴究辦等因
奏奉

諭旨依議欽此在案現在沙船抵津截至本月十九日止共
計進口二百二十八隻抵次船九十四隻驗過船五
十八隻共已驗過漕白糧米七萬三千六百餘石自
應遵照歷屆奏案隨驗隨起趕緊斛收乃迄今四日
之久僅據報稱起卸米二千五百餘石似此玩延必
致轉運不及關係全漕大局貽誤匪輕相應劄行江
蘇總局沙船一經到次即行排列整齊開具排單封

送米樣呈請查驗如有實在繳變之米卽令該船以
餘米按數抵補並飭直隸總局凡有驗過沙船卽行
挂剝以便承運經記斛量收兌毋任藉端勒指延擱
仍飭坐糧廳卽將驗過之米迅速起卸趕緊斛收如
有挑剔刁難及主使挑剔刁難之人卽行嚴密查拏
送轅究辦毋得稍有疎縱遲延並飭該廳每日起米
後卽將本日起卸米數開單呈送以憑查覈各宜凜
遵毋違切切特劄

咸豐二年三月二十日行

驗米大臣為飭遵事照得本部堂沿河驗米見有剝船受兌之後雖已封釘艙板而竟有麻袋裝載米石安放於艙面之上隨即查詢據船戶聲稱委係食米查所擬杜弊條款內稱此次海運剝船食米係給予本色因剝船戶平日俱食雜糧應得剝價足敷食用所給本色食米現已咨部於剝船內另艙存放抵通後正米無虧准其將食米領用如有分賠米石即令該船戶以食米補交是此項米石俱應另艙存放隨同封釘以備分賠正米之虧且沿河稽查易於牽混更不足以杜弊端合行飭遵為此剴仰直隸總局清

天津道飭令各該委員遵照所擬杜弊條款內明白曉諭各船戶一體遵辦毋得稍有含混並飭沿河押剝巡查各員弁如見剝船上有裝袋之米並未加貼封條即係偷竊不可任其以食米藉詞致滋流弊毋違特劄

咸豐二年三月二十日行

驗米大臣為飛劄事查東糧軍船例定三月初一日到通上屆南糧海運及本年海運均經分別奏咨催令提前兌裝趕緊開行務於沙船未到之先過關北上在案並由本部飛咨飭令於海運米石未到以前及早抵通却竣以免河道擁擠亦在案今該省並未遵照辦理山東軍船遲至三月中旬以後始抵津關較之道光二十八年遲延將及一月殊非核實辦公之道現在沙船起卸所有官剝民剝分起運通正常趕辦喫緊之際不容片刻停留若必令軍船行走在前剝船積壓在後則剝船兩次裝載行走遲滯必有

遇轉不及之慮貽誤匪輕本部堂查剝船裝載南糧
與軍船所載東糧同係

天庾正供東糧既不能遵照部咨於沙船未到以前早為
竣事致令軍船剝船同時並進自應聽從載輕行速
之剝船插幫行走乘便趕前毋得稍有攔阻互相爭
競為此飛劄山東糧道即飭該省總運星速傳諭沿
途各該幫弁嚴諭丁舵水手人等並劄天津總局轉
飭押運員弁嚴諭剝船水手人等一體遵照軍船正
行之際固不得因讓剝船稍有停泊若剝船乘空前
進該幫船亦不得稍有攔阻如軍船遇有守風自行

停泊之時尤不得橫截中流致礙河道該糧道等務
即明白曉諭如有不遵約束刻即嚴拏究辦倘稍疎
縱本部堂定行嚴叅毋謂言之不豫也并劄坐糧廳
火速傳諭沿途各幫遵照毋遲切切特劄

咸豐二年三月二十二日行

驗米大臣為飭查事照得前據直隸總局詳請由上
園一帶起至通壩止派委文武員弁分段稽查在案
現在頭運剥船業已開行北上今據各該委員等來
報稟辭各住段落稽查防範等情合亟飭遵為此剴
仰直隸總局清河天津道遵即查明該文武員弁等是否
業已前往稽查抑或尚未起程務須嚴飭該員弁等
迅速起程前往萬勿再有耽延致滋貽誤速速特剴
咸豐三年三月二十三日行

驗米大臣為踏行事據總理海運局

清河道譚廷襄
天津道張起鵷

稟稱竊查海運漕糧由津剝運赴通抵壩交卸後應即折回天津水次接運後起漕米定限十五日往返以敷輪轉第一運前起重剝係於本月二十二日開行按程計算至四月初六日方能回津接濟初七日兌剝之用惟豫東軍船在前八幫已於二十二日頭起剝船開行之先過關北上雖剝船身輕載少行走較速恐亦不能漫越前進到壩在後通壩自必先儘軍船驗收以一日一幫計之該運剝船即須守候八日方能驗卸勢必貽誤輪用復查軍船抵壩向在外

河停泊候驗剝船向係提近壩樓驗卸合無仰懇俯
念海運需剝緊急撤行通壩坐糧廳將剝船提近壩
樓與豫東軍船相間驗卸以後軍剝均照此辦理俾
免剝船久候得以迅速回津輪運等因前來本部堂
查剝船裝載沙船起卸海運南糧與軍船所運東糧

同一

天庾正供東糧既未遵照部咨於海運南糧未到之先早
為竣事致令同時並進所有剝船軍船抵壩起卸自
應熟商妥籌查東省糧船抵壩起卸之後本年冬季
始行受兌新糧現在並不再行出運與剝船即須由

壩折回輪轉剝運沙船米石者不同沙船急公應募
航海而來自應優加體卹早給剝船輪轉剝運俾得
迅速起卸無誤回空趕載此中緩急後先應即準情
酌理妥洽核辦上屆海運案內即經駐通倉場部堂
奏明剝船運抵通壩行令坐糧廳隨到隨驗嚴飭經
紀等趕緊起卸轉運不許片刻停留其騰空撥船仍
飭無分晝夜迅速回津接運以資輪轉等因此次自
應照此辦理相應移咨部堂
合行飭遵為仰通壩坐糧廳所有裝載海運南糧
剝船將次抵通希飭該坐糧廳即行提近壩樓迅速
趕前查驗起卸俾得星夜回津輪轉起運毋令剝船

稍有守候致誤沙船交兑起卸可也

咸豐二年三月二十四日行

驗米大臣為飛劄事本部堂查管理北運河水道係屬漕運通判專責現在海運剝船東糧軍船同時並進尤應剝空深通茲據海運總局天津道稟稱據第一運前起委員候補府經歷龔煥稟報該運剝船行至打魚莊內有姚萬升張發民船二隻不能前進並聞前途水勢僅一尺八九寸橫淺尤多而該漕運通判稟稱親勘各汎橫淺均足二尺四五寸等語所稟存水尺寸已屬不符面詢天津道剝船喫水若干據稱官剝每船裝米二百二十石現飭勾量新舊江廣各剝船以水尺度之每船不過喫水一尺八寸至二

尺不等以漕尺度之每船不過喫水一尺六寸五分
至一尺八寸不等現在姚萬升張發二船各止運米
二百五十石喫水並不甚深本部堂查北河沿途各
汛每汛額設刮板五六副七八副不等淺夫自九十
名至一百四十四名不等何以並不勤加刮挖致令
僅裝二百五十石之船不能前進該通判所司何事
寔屬懈玩已極為此劄飭該通判劄到火速晝夜刮
挖倘復仍前玩忽致有遲滯本部堂即行參辦毋謂
言之不早也並劄通永道轉行查催速速特劄

咸豐二年三月二十八日行

驗米大臣為酌行事據清河道譚廷襄天津道張起

鵬詳稱查由津運通米石虧短原定獨賠分賠章程
界限本自明晰惟現將剥船食米屬令另艙存放隨
同正米運通以備扣抵若正米虧短概將食米全行
扣抵易滋牽混職道等悉心酌核擬請於剥船抵通
後由坐糧廳先儘正米斛收正米無虧即准剥船戶
將食米領用如有虧短係經紀在途查出剥船舞弊
稟明押運員并有案者應按照舊章責令剥船獨賠
先儘所短數目以食米扣抵若經紀在途並未查出
剥船舞弊稟明押運員并有案者到壩始經發覺按

照舊章責令經紀剥船各半分賠經紀分賠之米在
耗米內扣除剥船分賠之米在食米內抵交抵剩之
米仍給領用如不敷抵再行發回天津補追如此分
別辦理庶米歸有著正供可期無虧擬合具文詳請
查核俯賜轉飭通壩坐糧廳查照遵辦等因前來本
部堂查道光二十八年奏定抵通虧短分賠獨賠一
案界限最為明晰如係經紀掣獲則責令剥船獨賠
若經紀並未查出或未經稟明則責令經紀剥船分
賠緣經紀耗米本係仿照北倉截卸章程議增以備
由津赴通折耗之用如果經紀剥船均無弊竇委因

盤量折耗原不難即以所備耗米抵補但恐剝船恃
有耗米可抵任意偷漏必致虧短之數浮於所備耗
米之數而承運經紀又復置身事外沿途並不嚴密
稽查甚或串通剝船分肥舞弊是以責令剝船賠補
一半其餘一半即在經紀耗米內扣抵以均責成而
昭平允今據該道等詳請照辦相應若各駐通倉場侍郎轉飭
飛劉聖通並糧廳即飭
照案辦理剝船抵通先儘正米斛收正米無
虧即准剝船戶將食米領用如有虧短並未據經紀
查出剝船舞弊或未經稟明押運員弁則責令分賠
除經紀耗米抵補一半外其餘一半即將剝船食米按

數斛收如有盈餘仍准剝船戶領用若係經紀查
出剝船舞弊確據稟明押運員弁有案即將剝船食
米計數獨賠如有不敷再行發回天津補追並遵照
道光二十八年

諭旨一船了一船之案不得因承運經紀挈獲一二船其餘

未經稟獲之船概令經紀免賠以杜弊中之弊可也

切切特劄

咸豐二年四月初六日行

驗米大臣為劄行事據王元禎船耆民孫西周沈協
盛船耆民沈湘舟稟稱竊身王元禎裝載昭文縣白
糧一千四百三十石身沈協盛裝載上海縣白糧一
千六百四十五石早經駛抵津次已奉排號臨驗米
色一律純潔候今多日並不挂撥起卸竊見前船均
已交卸後船亦皆起卸獨身等兩船竟遭羈累風聞
所載白糧截留候撥

陵督不勝汗駭伏查蘇省歷次海運祇知到津交割屢蒙各
憲曉示奏定章程均係隨到隨卸不致片刻羈延從
未聞有截留之事况身等航海運糧雇值無幾屢涉

驚濤復虞賠補刻幸平安抵次滿望照章即日交卸
 方可轉至奉天牛莊等處貿易轉瞬須打夏凍若再
 遲滯不及回南兼且船艙蒸悶萬一米色發熱設有
 霉變故特雜任等語除批示飭遵外合亟劇行
 迅即會商妥速辦理切切並將原呈發交直隸總局
 查照特劄

生糧局
 天津總局
 直隸總局

咸豐二年四月初十日行

驗米大臣為創行事准署理山東巡撫谷稱據榮成
縣知縣石用熙呈稱江蘇商船顧萬隆裝載荆溪縣
漕米五百九十石駛至石島外洋失風漂沒訊取者
舵水手供詞知照前來合行抄錄原文創飭江蘇總
局查覈辦理特創

咸豐二年四月十一日行

驗未大臣為劄行事查沙船耆民孫西周沈湘舟呈
詞前經劄行江蘇直隸兩總局坐糧廳迅即會商妥
速辦理茲據直隸總局詳稱沈協盛船米應由經紀
斛收同交倉白米一併運通王元楨船米飛飭易州
迅派丁役來津領兌等語除易州應領白糧批令該
局飛飭領兌倘再遲延即將該州職名詳叅外相應
劄飭津坐糧廳迅飭經紀趕緊斛收同交倉白米一
併運通仍將易州應撥江米迅即指派毋再延誤并
劄通坐糧廳飛飭薊遵豐等三州縣赴通領兌倘延
不赴領即將該州縣等職名詳叅該津坐糧廳仍將

卷四

十五

現辦情形迅即詳覆並劄蘇直兩局妥速辦結會詳
毋違切切特劄

咸豐三年四月十四日行

驗米大臣為劄行事查歷辦海運成案均經奏明隨
驗隨收現在原備撥船早經用竣全賴通壩趕緊起
卸俾利船及早回空以資周轉白糧一項起卸之後
轉運通倉該倉每日應收之米應即隨到隨收不准
片刻停留為此劄飭中西倉監督劄到即行查明白糧
經紀承運白糧到倉該倉每日是否儘數斛收及有
無延不收受勒令經紀囤貯候收之處刻即聲覆并
飭嚴禁花戶人等挑剔刁難勒索諸弊倘查有前項
弊端立即嚴究重懲毋稍疎縱致干未便切切特劄

咸豐三年四月十五日行

驗米大臣為剴行事查悉辨海運成案均經奏明隨
驗隨收現在原備撥船早經用竣全賴通壩趕緊起
卸俾撥船及早回空以資周轉白糧項起卸之後
轉運道倉該倉每日應收之米應即隨到隨收不得
片刻停留除劄飭中二倉監督查明白糧經紀承運
白糧到倉該倉每日是否儘數查收有無延不收受
勒令經紀周貯刻即聲覆并飭嚴禁花戶人等批別
刁難勒索諸弊外相應劄飭通坐糧廳即將該倉收
米情形明查暗訪倘查有花戶人等批別刁難勒索
諸弊該倉監督延不究辦即由該廳將該倉監督指

各詳奏毋稍瞻徇切切並劄津坐糧廳查照特別
咸豐三年四月十五日行

驗米大臣為劄行事本部堂查道光六年海運經驗
米大臣會同倉場侍郎奏明每日沙船不論何時抵
次即令江南委員排具次數清河天津兩道配給剥
船坐粮廳核准兌單飛速集大發斛不准稍踰時刻及
經紀胥役人等藉端挑剔又戶部奏稱每日用斛八
十隻起米僅三萬四五千石必致稽遲應添製斛一
百隻俾數起卸如有經紀人等稍事刁難從重懲治
又道光二十八年戶部奏明經紀剥船兩項人等均
多弊竇現經倉場訪聞米本乾潔不肯起卸是其勒
指情形已可概見全在管轄經紀剥船各衙門諄諭

於前嚴懲於後庶幾各清各弊俾免稍有誣卸至沙
船抵津經紀挑剔不難臨時奏明從嚴究辦等因奏
奉

諭旨依議欽此在案本部堂奉

命來津自當以嚴禁胥役人等挑剔刁難勒索諸弊為第一
要務本年豐北漫口未能合龍河運江安浙江江西
湖南湖北漕糧尚不識何時能到本部堂早夜思維
刻深焦灼幸賴蘇松常鎮太五府州屬漕糧改由海
運現到船數已過十分之九就現到糧數而論較之
上三屆該五府州屬河運米數已屬有盈無絀并有

節省銀六十六萬兩以供

國用設該五府州屬本年不辦海運不獨此六十六萬銀兩花費無存且現已節交芒種而南糧一船尚未渡黃刻下一粒不能抵通運道若何疏通倉儲若何預備試問該廳尚有何策今上海沙船急公應募航海而來自應遵照奏案隨驗隨卸以便及早回空海運原非常行之事然萬不得已亦有需用沙船之時若任胥役人等挑剔刁難設有緩急保無聞風遠避裏足不前今本部堂督同該廳查驗得沈長茂陳景福孫福昌等三船白糧僅止微欠寶光體質究屬乾

潔本部堂向領俸米多有不及此者自應趕緊斛收以符奏案為此劄仰該廳劄到即行率同經紀刻即起卸毋任胥役人等稍有勒索避延貽誤大局且現在已驗之米積有十七萬餘石之多而該廳每日起卸尚不及平斛二萬石之數每日所挂剝船均未儘數裝滿該廳亦應設法趕辦毋任泄沓從事切切并劄江蘇直隸總局倘有胥役人等藉端勒索即行詳報究辦特劄

咸豐二年四月十五日行

驗米大臣為迅飭遵辦事照得本部堂風聞得沿河一帶有小船裝載霉爛之米賣給剝船換和之事並有沿途私自開艙情弊正在查辦之際接據候補府金鎰稟稱前奉飭查假冒經紀舍人在外招搖撞騙等因蒙此遵即密飭該縣嚴行查訪在於附近東門北門一帶店寓跟踪覓線去後復劄知卑府所屬各委員令於沿河一帶實力巡查有向剝船勒索者即行詰訊嚴拿不准稍形鬆懈以期有犯必懲茲接第
一段把總龔永清稟稱自十二日戌時在大園以下帶同外委李光恩並經紀代役李慶元等拿獲傍貼

剝船甯菜小船一隻內載有臭米二口袋又兩蓆菜約計米有四五石之多該委員曾向查訊據稱買自沙船等供是否屬寔均應徹底根究卑府當即飭令將該犯胡文治交縣嚴行訊辦其在逃之夥犯范愾春徐發馮宣三等三名由縣緝拏歸案辦理同日又接得第三段委員王恒謙稟稱於十二日戌時在三里屯迤南查出第十運之五十七號官剝船有關艙情弊當即會同押運文員許忠武弁曹大醇眼同巡役李仲等查驗得該船裝米八艙前三艙封皮已破灰印已動訊據該船戶李文玉供稱四月十二日行

至三里屯地方船身走漏趕緊開艙一時糊塗未經稟明船上裝載洪斛漕米一百七十六石如有短少小的情甘認罪賠補又據第五十四六八號官剝船戶張順徐金井等保得李文玉船上實係怕有水漏幫同拆看將灰印損壞如有別情惟小的們是問各等供查海運封皮灰印最關緊要今既擅行拆動難保無偷竊情弊但各起銜尾北上不容刻延卑府遵照發下章程一面飭令委員將船戶李文玉嚴行責懲並取確供及各船戶保結一面押令駕駛前進等情前來查小船裝載真米四五石貼近剝船據稱自沙

船買來賣給剝船戶其偷盜攬和之弊亦應杜絕並
有第十運五十七號船戶李文玉行至三里屯將前
三艙封皮灰印均已拆動該船既有走漏自應稟明
委員會同開艙查驗乃該船戶胆敢私自開艙竟不
稟明辦理顯有偷盜使水攬和之弊若不從嚴懲辦
不足以儆將來合亟飭遵為此劄仰清河天津道遵即轉
飭天津縣將拿獲之犯胡文治一名嚴行審訊澈底
根究並將逃之夥犯范愾春徐發馮宣三等三犯
飭縣趕緊查拿歸案一併訊究仍飭沿河一帶文武
員弁如有小船靠近沙船收買氣頭霉爛之米轉賣

與剝船戶者立即鎖拿究辦毋稍寬縱至第十運五十七號船戶李文玉既已私自開艙業經委員將其責懲並取確供存案押令前進如有短少情弊應由通州坐糧廳查明懲辦該道等仍嚴飭沿河一帶段落文武員弁實力稽查如有小船載米及剝船開艙等事一有訪聞立即查拿稟明送究萬勿稍事因循致滋鬆懈並行蘇總局倪道遵照嗣後沙船如有氣頭霉爛之米應如何嚴密防範免致弊竇之處該道務須妥議詳覆以憑核奪毋遲速并由直隸總局轉行分段稽查各委員一體遵照特劄

咸豐三年四月十六日行

驗米大臣為別行事查沙船張義和等二十三名公
稟內稱該商等到次或已旬餘或逾半月大半尚未
挂撥間有挂撥之船日斛無幾環求速飭多發剝船
趕速起卸等情除批示飭遵外相應將原稟剴交直
隸總局按照所稟事理多發剝船如壩上起卸遲延
不敷周轉仍宜廣為雇募以資應用仍將每日所挂
撥船數目逐日開單送轄備查并剴坐糧廳每日無
論所挂剝船若干務飭經紀儘數斛收當日即將各
船裝滿不得少挂尾零仍將每日所起米數於當晚
開單送轄本部堂即與局報所挂船數較對以杜諉

石餘斗以短米三石覈計各半分賠僅需米一石餘斗以食米扣交尚有盈餘何
致將食米全數賠交之外尚須另行買補至米石到通因水淺起剝由該船搭包
給價抗卸脚錢亦令賠出未免益形苦累既據瀝情
具稟自應查明辦理除咨會通壩坐糧廳外擬合詳
請查核俯賜檄行通壩坐糧廳查明該剝船等所短
米石是否照章分賠到通水淺剝運裏河應否由經
紀自備船隻并抗卸脚價經紀有無領項應否令剝
船賠出申覆飭知下道以便轉飭該剝船戶遵照等
因前來查剝船虧折米石賠補章程業經本部堂於
本月初六日按照奏定章程詳細行令遵辦在案自

驗米大臣為劄行
事准駐通倉場部堂
咨據坐糧廳

汪潤呈稱遵查海運各起剝船提壩驗卸可得迅速

無如石壩至河口一帶不但水勢過微且河面窄小

剝船俱於小聖廟住泊現在另雇小剝起運每日加

數起卸不過起米萬餘石此因限於天時非聽其任

意遲延之故須待水勢充盈方於通壩起卸有濟等

情相應移咨查照前來查坐糧廳專管北河催備空

重濤船挑空淤淺例有明文本屆解理海運該廳自

應先事豫籌庶免臨時竭蹶乃於剝船到次藉口水

淺並以河面窄小必須雇剝起運為詞查石壩河窄

並非始自今年現在剝船積壓數起守候多時必致不敷輪轉兼之所裝米石久經封釘或將一色好米薰蒸霉變在在堪虞殊非慎重辦公之道相應移咨駐通倉場部堂嚴飭該廳督率經紀人等設法趕辦遵照奏案剝船一經到次刻即驗收轉運毋誤漕行縱不能按照海運章程日起洪斛米四萬石亦必按照河運每日起米總以洪斛三萬石為率以便剝船騰空回津接運不准稍有遲滯倘再藉詞延宕即行據實嚴叅以示懲儆

須至各者
並列直隸總局查照

咸豐二年四月十六日行

驗米大臣為劄行事據

清河道天津道

詳稱查剝船運米如

有虧折前經職道等遵照部議申明舊章係經紀查

出剝船舞弊稟明有案責令剝船獨賠若經紀并未

查出舞弊稟明有案到壩始經發覺責令經紀剝船

各半分賠經紀分賠之米在耗米內抵除剝船分賠

之米在食米內抵交抵贖之米仍給領用如不敷抵

發回天津補追詳蒙憲臺允准行知在案今據該剝

船戶具稟裝載白糧到壩每船短米二石餘至三石

餘不等并未據經紀查出剝船舞弊稟明有案按照

定章各半分賠每船裝米二百石上下帶有食米二

上列

卷四

卸而速運務切切特剗
咸豐二年四月十六日行

二十一

應照案辦理毋得稍有舛錯至剝運東河應否由經紀自備船隻并抗卸脚價經紀有無領項之處查經紀向有吊載剝船自行備用抗脚等費亦係按照通壩抗價每石二厘給發由江蘇所解數內籌給今據清河道等詳請剝飭申覆為此飛劄駐通坐糧廳查明剝運東河應否由經紀自備船隻其抗卸脚價如令剝船戶自發則所議每石二厘抗價自必毋庸給與經紀將來自必不請開銷是否如此辦理應令一併詳細聲覆以憑核辦特劄

咸豐二年四月十六日行

驗米大臣為咨行事現在海運辦理完竣經本部堂
奏明該府縣丞倅等均能明幹曉事晝夜辛勤目擊
各該員出力情形始終罔懈不敢壅於上

聞并聲明江南委員候補知府洪玉珩等認真辦理經理
周詳勸諭商民耆舵水手胥遵約束其佐雜各員及
督押糧米航海委員亦均倍矢勤奮昕夕不暇查照
成案各按勞績分別咨明江省督撫辦理等因除將差
次原奏抄錄咨送及奉到

諭旨再行恭錄咨送外所有該候補府等在津出各員應即
開單註明勞績移咨

貴督部堂查照辦理可也

計開

候補知府洪玉珩 該員派駐滬局督辦雇船兌運
秋洋各事井井有條諸臻周妥嗣復赴津勦理交
米伺值驗卸籌畫精詳最為得力

候補同知王家珮 該員道光二十八年派赴天津
勦辦海運甚為得力茲復在津綜理總局分局一
切經費不辭勞怨力求撙節結實可靠

候補同知朱鈞 該員前經襄理上海局兌運各事
嗣經派津總理分局及沙船一切事宜查船驗米

分泊盤量驗照給單彈壓水手遇有沙船控告鬥
毆錢債事件隨時審斷耆舵悅服深合機宜實為
該總局出色之員

候補同知梁逢辰 該員勦辦交米伺值驗卸照料
起撥委勘遭風船隻督押晒晾均能竭盡心力

州銜准補嘉定縣知縣吳煦 該員前委辦理省局
文案綜覈款目嗣經赴津勦理文案勾稽冊檔始
終詳慎

糧道庫大使陳森培 候補道庫大使魯鴻飛 元
和縣周莊巡檢何本忠 該三員排船開摺監視斛

收查驗米色督押風晾收照驗單開造冊籍催重
趙空事極煩瑣均能始終勤慎最為出力

金匱縣主簿王汝金 該員隨伺驗卸監督起斛查
報米數頗為幹練

蘇州府知事孫承履 該員駐劄海口收繳沙船器
械檢號造冊倍著辛勤

候補刑部員外郎王承基 請分發安徽試用知縣
沈譽來 該二員籍隸松江舉充滬局董事在募沙
船經理裝兌本極踴躍急公嗣復自備資斧押坐
海運沙船歷涉重洋躬親護送倍加妥速既省遴

委武職押運且與道光六年崇明縣舉人施彥士
押護沙船成案相符洵屬勞勩最著抵津後復又
收儲餘米彈壓水手毫無滋事尤為始終出力

以上單開共計十二員

咸豐二年五月二十日行

驗米大臣為咨行事現在海運辦理完竣經本部堂
奏明該府縣丞倅等均能明幹曉事晝夜辛勤目擊
各該員出力情形始終罔懈不敢壅於上

聞并聲明天津府知府錢忻和署天津縣知縣謝子澄各
委員等及由通調津委員并營委將弁各按勞績咨
明直隸總督臣分別奏請獎勵等因除將差文原奏
抄錄咨送及奉到

諭旨再行恭錄咨送外所有該府等在津出力各員應即
開單註明勞績移咨貴閣督部堂查照辦理可也
據直隸海運總局單開

天津府知府錢忻和
署天津府同知徐鏞

廣平府同知鍾瑞

天津縣知縣謝子澄

以上四員總理局務並會同江南委員查驗米
色

候補縣丞於恆吉

河工試用縣丞候選知縣於藩

候補縣丞耿白棠

武清縣河西務主簿鄒在人

建昌縣巡檢候選主簿陳克昌

候補從九孫冬旭

新補阜平縣典史汪榕

以上七員管理局務並撥運支銷一切事宜

鎮標葛沽營遊擊薛成龍

鎮標大沽左營都司吳璋

鎮標大沽左營把總劉淳

鎮標大沽左營把總王開泰

鎮標大沽海口營把總王寶慶

鎮標大沽海口營把總陳發

鎮標大沽左營外委楊殿臣

鎮標大沽左營外委高立

鎮標大沽海口營外委杜來增

鎮標大沽海口營外委萬寶來

鎮標大沽左營外委高作霖

鎮標大沽左營外委王希堂

鎮標大沽海口營外委謝錫恩

以上十三員出洋迎護導引沙船

天津縣葛沽巡檢樓東淇

河營外委常玉成

以上二頁查報沙船進口出口日期

保定府理事同知博多宏武

以上一員稽查在官人役及地方棍徒訛索沙

船

楊村通判厲維梁

以上一員總理撥船稽查來往日期編列號次

北運河筐兒巷千總王天文

經制外委邵容

額外外委邵宣

額外外委夏保泰

記名外委

金福盛
郝文光

以上六員隨同楊村廳經管撥船事務

候補知縣劉湘

候補知縣毛慶麟

河營外委王焄

以上三員驗收官民撥船

天津府海防同知高應元

以上一員提調沙船撥船疏通河路

河營捷地汛把總黑永貴

河營外委施斌

河營外委郝慶湖

以上三員隨同催提沙船疏通河路

河營守備張淳

天津縣典史劉玉衡

河營外委穆長清

河營外委王元慶

以上四員隨同催提撥船疏通河路

新補新城縣知縣鄭士憲

候補知縣吳應台

候補知縣葉增慶

候補知縣薩炳阿

天津府經歷汪慶恩

滿完縣丞閔松燾

天津府北倉大使葉養度

河營把總尹光彩

以上八員監視撥船蓋用灰印封釘艙口

候補縣丞劉傑

以上一員查報起米數目

候補府經歷龔煥

候補縣丞祥瑞

候補按經歷費德聲

候補主簿熊琦

候補州判唐汝翼

霸保主簿朱浩良

天津縣揚青驛丞楊承杰

候補府倉大使汪葆光

候補從九盛祖培

候補吏目陳兆麟

候補從九沈士樾

候補從九沈敘時

候補未入趙元勳

候補未入胡濟寬

靜海縣主簿顧肇域

候補州判李執中

候補未入陳廷賚

南皮縣主簿王謨

河工候補從九許忠

清苑縣縣丞候選知縣汪鳴和

候補直隸州州判汪葆烜

任邱縣縣丞程椿

宣化府經歷宋嵩慶

鎮標右營外委王遇亨

鎮標城守營外委李墉

鎮標城守營把總劉法祖

鎮標左營外委王治華

鎮標左營外委王思波

鎮標左營外委沈濤

鎮標左營外委喬世遠

鎮標左營外委楊得

鎮標左營外委王遇豐

鎮標城守營外委高鍾洛

鎮標左營外委喬世林

鎮標左營外委李治安

鎮標右營外委章殿甲

鎮標右營外委劉煥芝

鎮標城守營外委華雲彪

鎮標左營外委吳承恩

鎮標城守營外委李逢瑞

鎮標城守營外委耿長泰

鎮標城守營外委曹大醇

鎮標城守營外委方廷標

鎮標城守營外委喬國勝

鎮標城守營外委趙國璧

鎮標靜海營外委楊克明

鎮標河間協左營外委高兆麟

以上四十七員輪流押催米船

督標左營遊擊白含章

鎮標中營遊擊吳燦

正定鎮標左營守備王思洪

以上三員總理海河運河沙船剝船經由停泊

處所稽查彈壓

鎮標左營守備梁運彰

鎮標署右營守備哈清魁

鎮標左營把總劉翼雲

鎮標河間協右營商家林把總沈鳳鳴

鎮標景州營吳橋縣外委楊瑞

鎮標城守營外委王思溶

以上六員隨同在於海河運河沙船撥船經由

停泊處所稽查彈壓

鎮標署天津城守營都司毛文藻

以上一員上園至蒲口兩岸巡查

駐劄西沽督查候補知府金鎧

駐劄楊村督查候補通判龔國瑞

駐劄河西務督查候補知縣劉必傳

駐劄小河口督查山海關通判烏林泰

分查第一段河營趙家場把總龔永清

分查第二段清河縣縣丞陳元祿

分查第三段天津縣縣丞王恒謙

分查第四段河營唐官屯千總馬寶泰

分查第五段候補縣丞蔣子修

分查第六段原派候補從九孔憲階該員丁憂後改
派候補從九蔣文濤

分查第七段候補吏目孫金鋪

分查第八段候補從九張輔廷

分查第九段布政司理問陳紹廉

分查第十段候補縣丞高維翰

以上十五員巡查撥船偷漏舞弊

新陞多倫諾爾巡檢武清縣楊村驛丞馮鼎

河營外委李德潤

東路同知吳承祖

通州知州佈彥

試用吏目孫慧元

通上汛把總夏春林

以上六員駐壩查催回空撥船

第一站東路營外委王萬忠

第二站東路營外委高殿舉

第三站務關外委

張樹魚
蔡雲錫

第四站楊村外委

姚承需
武純奉

以上六員沿河查催空船

候補通判葉榮春

借補吳橋縣丞候補知縣楊雲黃

鎮屬外委許萬隆

河營外委郭長清

鎮屬外委李茂林

河營外委郝桂森

河營外委常榮富

河營外委李際芳

河營外委李有慶

河營外委劉玉魁

河營外委時平儀

河營外委鄭潤

河營外委王煒

河營外委周煥文

河營外委趙慶瀾

河營外委李光恩

河營外委陳兆祥

河營外委王恩桐

河營外委楊永升

河營外委吳恩來

以上二十員公所聽候差委

海河主簿升補故城縣縣丞鄭繼勳

以上一員管理棚廠並同空沙船挖土壓載

以上直隸總局府縣以下各委員等及由通調津委員並營委將弁等共計一百五十九員各按差使不辭勞瘁本部堂業經奏明移咨

貴閣督部堂分別奏請獎勵再此次沙船嚮風慕義踴躍急公齊至天津與直隸撥船停泊河干者不下數萬人該天津府知府錢忻和署天津縣知縣謝子澄於聽斷之餘按日周歷水次彈壓巡查數月以來沙船一無滋事偶與撥船交涉事件均持平審斷毫不

偏徇輿論翕然地方賴以安謐實屬循良勤幹應由
貴閣督部堂從優奏請

獎敘

咸豐二年五月二十日行

驗米大臣為咨行事本屆海運辦理完竣經本部堂
奏明該府縣丞倅等均能明幹曉事晝夜辛勤并聲
明天津各委員等及由通調津委員各按勞績咨明
直隸督臣分別奏請獎勵等因除據直隸總局原單
移咨外相應再行摘敘勞績移咨
貴閣督部堂查照辦理可也

計開

派令封艙記印委員

新城縣知縣鄭士蕙

候補知縣葉增慶

候補知縣薩炳阿

天津府經歷汪慶恩

滿完縣丞閔松燾

河營把總尹光彩

北倉大使葉養度

試用知縣吳應台

由通調津自備資斧

以上各員自司事以來逐日河干不分晝夜洵

屬竭誠盡力始終罔懈

派令各船兌粟欠單覈數過硃委員

候補縣丞劉傑

由通調津自備資斧

該員始終其

事不辭勞瘁

飭令駐劄分段巡查偷漏舞弊之督委各員
候補知府金鏜

第一段委員把總龔永清

第二段委員外委李光恩

第三段委員天津縣丞王恒謙

以上各員拿有小船偷賣臭米及船戶私開艙
封等案巡查不分晝夜司事均屬認真

宣化府經歷宋嵩慶 該員行轅公所聽候差委收
發公文委辦一切小心謹慎並無貽誤行轅事

卷四

四十二

竣復押第二十三運後起撥船

天津府海防同知高應元 該員曾經兩屆辦理海
運熟習情形此次海運提調沙船撥船疎通河
路辦理一切均屬安詳穩練

咸豐二年五月二十日行